

BOSNA I HERCEGOVINA
FEDERACIJA BOSNE I HERCEGOVINE
OPĆINA LUKAVAC
OPĆINSKI NAČELNIK
SLUŽBA ZA INVESTICIJE I POSLOVE
MJESNIH ZAJEDNICA
Broj: 03-04-4237/21
Lukavac, 30.11.2021. godine

Na osnovu člana 64. stav (1). tačka b), člana 28., člana 70. stavovi (1), (3) i (6) Zakona o javnim nabavkama („Sl. glasnik BiH“, broj: 39/14), te Preporuke Komisije za provođenje postupka javne nabavke broj: 03-04-4237/21 od 29.11.2021. godine u pregovaračkom postupku bez objave obavještenja o nabavci radova na odvodnji oborinskih i otpadnih voda, d o n o s i s e

O D L U K A

o izboru najpovoljnijeg ponuđača

Član 1.

Prihvata se preporuka Komisije za provođenje postupka javne nabavke broj: 03-04-4237/21 od 29.11.2021. godine i Ugovor za nabavku radova na odvodnji oborinskih i otpadnih voda dodjeljuje ponuđaču „ROADING“ d.o.o. Gračanica, ponuda broj: 105/21 od 24.11.2021. godine u vrijednosti od 384.117,88 KM bez PDV-a, koji je ponudio prihvatljivu ponudu.

Član 2.

Ova odluka objavit će se na web - stranici ugovornog organa (www.lukavac.ba) istovremeno s upućivanjem ponudu koji je učestvovao u postupku javne nabavke, u skladu sa članom 70. stav (6) Zakona o javnim nabavkama.

Član 3.

Ova odluka stupa na snagu danom donošenja i dostavlja se ponuđaču koji je učestvovao u postupku javne nabavke, u skladu sa članom 71. stav (2) Zakona o javnim nabavkama.

O b r a z l o ž e n j e

Općina Lukavac-Služba za investicije i poslove mjesnih zajednica je u skladu sa Odukom o pokretanju postupka javne nabavke broj: 03-02-4262/21 od 21.10.2021. godine pokrenula pregovarački postupak bez objave obavještenja o nabavci u skladu sa članom 24. stav 1. tačka a) Zakona o javnim nabavkama.

U skladu sa članom 28. stav (4) Zakona o javnim nabavkama, ugovorni organ je 21.10.2021. godine na svojoj internet stranici www.lukavac.ba postavio informaciju da ima namjeru provesti pregovarački postupak bez objave obavještenja o nabavci radova na odvodnji oborinskih i otpadnih voda u Lukavcu. Tendersku dokumentaciju su u prostorijama Ugovornog organa preuzeli kandidati „Roading“ d.o.o Gračanica, „Den Alm Company“ d.o.o Lukavac i „E&D Baucop“ d.o.o Lukavac.

Ponuđač „Roading“ d.o.o Gračanica je do termina predviđenog za dostavu zahtjeva za učešće dostavio svoj zahtjev za učešće, a potom je do termina predviđenog za predaju početnih ponuda dostavio svoju početnu ponudu. Komisija za provođenje postupka nabavke imenovana Rješenjem broj: 02-04-75-87/21 od 26.10.2021. godine je pregledala i ocijenila kao kvalifikovan zahtjev za učešće ponuđača „Roading“ d.o.o Gračanica, nakon čega je ugovorni organ uputio ponuđaču

„Roading“ d.o.o Gračanica zahtjev za dostavu početne ponude i istog pozvao na pregovore. Poslije provedenih pregovora ponuđač je dostavio svoju konačnu ponudu. Nakon pregleda i ocjene konačne ponude Komisija je ocijenila da ponuda zadovoljava sve zadate kriterije u tenderskoj dokumentaciji, da je prihvatljiva za ugovorni organ i dala je prijedlog ugovornom organu da ugovor za nabavku radova na odvodnji oborinskih i otpadnih voda u Lukavcu u vrijednosti od 384.117,88 KM bez PDV-a dodijeli ponuđaču „Roading“ d.o.o Gračanica, jer je dostavio prihvatljivu ponudu.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se izjaviti žalba, najkasnije u roku od 10 (deset) dana od dana objave dobrovoljnog ex ante obavještenja o transparentnosti. Žalba se podnosi putem ugovornog organa, u pisanoj formi direktno ili preporučeno poštanskom pošiljkom na adresu Općina Lukavac-Služba za upravu, društvene djelatnosti, mlade i boračko-invalidsku zaštitu, Trg Slobode 1, 75300 Lukavac, a izjavljuje se Uredu za razmatranje žalbi Bosne i Hercegovine. Žalba se podnosi u najmanje tri primjerka.

Dostaviti:

1. „Roading“ d.o.o Gračanica i
2. Arhivi.-

**PO OVLAŠTENJU OPĆINSKOG NAČELNIKA
POMOĆNIK OPĆINSKOG NAČELNIKA**

(ovlaštenje broj: 02-30-6245/20 od 21.12.2020. godine)

Emir Begić, dipl.ecc.

